

<http://maxminus.weebly.com>



DIOGEN
pro kultura magazin pro culture magazine

<http://diogen.weebly.com>

Karma-Nemesis-Justicija-Kismet-Proviđenje versus slobodna volja

Šta je u biti karma? Karma je zakon koji vlada manifestiranim svijetom. Ekzoterično gledano, karma doslovno znači "djelo", što konotira zakonitost uzroka i posljedica. Ezoterično, u dalekosežnom moralnom domenu, karma je nepogriješivi zakon pravde.

Kod svakog novog rađanja kozmosa, život iz statičnog stanja prelazi u dinamično, gdje se diferencira i kroz to diferenciranje nastaje manifestacija. Iz centralnog izvora života emaniraju novi centri iz kojih nastaje beskonačan broj daljnjih centara koji u toku evolucije i involucije stvaraju osnovu za uzroke djelovanja na, od svjesnih bića nastanjenim planetama. To kozmičko djelovanje je karma.

Osnovne karakteristike svake individue su identične sa planetarnom konstelacijom unutar koje je osoba došla na svijet. Ova planetarna konstelacija se često naziva i karmička karta jednog života. Ali, što je tješnja povezanost između smrtne refleksije "čovjek" i duhovnog prototipa Čovjek (Manu), to su vanjske karmičke vezanosti sve labavije i naredne inkarnacije sve subtilnije.

Iako determiniran nezaobilaznim posljedicama karme, čovjek ima slobodu odlučivanja. On ne može izbjeći životne okolnosti, ili životnu kartu koju mu je karma predodredila, ali on uvijek ima izbor između dva puta koji vode toj predodređenosti, unutar životne karte. Ako je stradanje neizbježan cilj predodređenosti, onda on tom cilju može ići svjesno noseći svoj križ na leđima ili kao dobrovoljni saputnik na putevima zla unutar kolektivne karme, jer su uvijek u pitanju eksterni i interni uvjeti koji utječu na izraz slobodne volje čovjeka. Ko vjeruje u karmu, taj vjeruje u predodređenost koju svaki čovjek, od rođenja do smrti, poput paukove mreže, niti po nit, čvor po čvor, svakim svojim djelom, svakim izražajem slobodne volje, oko sebe plete. Dakle, čovjek posjeduje slobodnu volju i sam odlučuje, da li će ka cilju svoje predodređenosti slijediti glas duhovnog prototipa Čovjeka ili djelovati po ustaljenim navikama.

Karma je jedan sinonim za proviđenje bez plana. Okultisti ne govore o zlu ili dobru samog proviđenja, ali s obzirom da mnogi karmu poimaju kao zlu sudbinu, oni uče da proviđenje dobre

ljude štiti a loše kažnjava, i to, kroz sedam života ili tako dugo dok i najmanji atom koji je njegovim djelovanjem izbačen iz ravnoteže može nesmetano da ponovo egzistira u harmoniji. Jer jedini zakon karme je bezuvjetna harmonija, kako u materijalnom, tako i u duhovnom svijetu. Ovaj zakon je vječan i nepromjenljiv. Karma, dakle, niti nagrađuje niti kažnjava, već mi sami sebe i nagrađujemo i kažnjavamo, shodno tome, da li djelujemo unutar zakona harmonije ili ga kršimo. Kada bi ljudi živjeli u jedinstvu i harmoniji, tad bi način funkcionisanja karme bio jasan. Kada bi bili u stanju da sve dovedemo u vezu sa pravim uzrokom, nestala bi naša ignorancija.

Ali, jedan dio ljudstva smatra providnost nečim mračnim i kompliciranim, drugi za slijepu determiniranost, treći, za puki slučaj, bez utjecaja bogova i demona. Kada bi mi mogli biti sigurni (kada bi to pouzdano znali), da nam naš susjed ne želi nikakvo zlo baš kao ni mi njemu, onda bi se tri četvrtine zla raspršilo poput balončića od sapunice. Kada niko nikog nebi povrijeđivao, ni emotivno ni fizički, ni misaono, onda karma nebi ni imala razloga da bude aktivna. Svojim djelovanjem mi svakodnevno stvaramo komplikacije u predodređenosti, u iluzornom ubjeđenju da samo savjesno izvršavamo svoje obaveze. A onda se nemoćni nađemo pred zagonetkom; zašto je život tako surov, zašto baš mene da snađe tako teška sudbina? Ali u biti, ne postoji slučaj, ni nesreća, ni nepravda koja nije prouzrokovana našim sopstvenim djelima, bilo u ovom ili u prošlim životima. Povrijedimo li zakon harmonije, moramo računati s tim da ćemo se naći u haosu.

Karma je, dakle, dinamično dejstvo uzroka koje se našim djelima pokreće u aktivnost. To je jedan zakon okultne dinamike koji na spiritualnom i astralnom polju iz oslobođene količine energije stvara daleko složenije i dalekosežnije rezultate nego ista količina koja se oslobađa u fizičkom, egzistencijalnom polju. Ova situacija će trajati sve dok se u potpunosti razvije spiritualna sposobnost intuicije. A to će se desiti tek kada počnemo djelovati iz unutarne, spiritualne motivacije umjesto što stalno reagujemo na vanjske impulse koji proizlaze iz fizičkih čula grubog, samoživog i sebičnog tijela. To tada je zakon harmonije kojem karma služi jedini istinski altruizam. Kada bi se samo jedan jedini negativni uzrok potisnuo, onda bi se potisnula ne samo jedna, već čitav niz posljedica. Pa čak ako i nije moguće izbjeći da se narodi i nacije međusobno istrebljuju, i sam pokušaj pojedinca da prodre u tajne providjenja, da shvati zakonitost karme, odvratiće ga od toga da stvara još više uzroka u svijetu koji je već preplavljen posljedicama zlih uzroka. Kada shvatimo da je karma činjenica, shvatit ćemo da smo sami sebi i spasioc i dželat.

Mada ne u potpunosti i ne uvijek pod istim imenom, ali zakonitost karme sve više prodire u svijest čovječanstva. U svim relacijama, u nauci, medicini, društveno političkim, historijskim, socijalnim i kulturološkim odnosima se polazi od ključnog pitanja "zašto", dakle od uzroka, što je čovječanstvo u posljednjih stotinu godina dovelo do, u odnosu na više hiljada godina ranije, nepojmljivog napredka. Pojmovi genetika i životna sredina su također jedan pokušaj da se razjasni zakonitost uzroka i posljedica. Švicarski sociolog i filozof, Jean Gebser, u svom djelu

"Ursprung und Gegenwart" (Postanak i sadašnjost) navodi: "Postoji samo jedan pokazatelj da li je neka osoba dosegla novu svijest ili ne: Ko je postao sposoban da za nesreću, bolest i patnje ne traži uzroke kod drugih, niti u datim okolnosti ili slučaju, već prije svega, razloge ili krivicu u cjelovitosti traži kod sebe samog, taj je također u stanju da sagleda i cio svijet i sve njegove strukture. Ko to nije sposoban, bit će sam od, u njemu prevladavajuće strukture ili nagonski, ili afektno ili izraženom voljom silovan i onda će pokušati kompenzacijom (ili osvećujući se) da siluje svijet. Izreka, da je eho identičan zovu je bez sumnje tačna. Tako je sve, šta nam se dešava, samo odgovor i eho onog šta i kakvi smo sami. I jedan cjelovit odgovor će nam se oglasiti samo ako se u sebi približimo u cjelovitosti".

Mi si ne možemo zamisliti kako izgleda naša galaksija sa svojih tri stotine miliona zvijezda, niti kako je sagrađen jedan proton ili jedan quark. Naši mozgovi nisu konstruisani da spoznaju cjelokupnu stvarnost niti da stvori neku predstavu o tome. Mi poimamo samo zakonitosti života koji se odnose na preživljavanje. Postepeno smo uvidjeli da postoje zakoni koji sve održavaju i reguliraju, kao npr. zakon karme, predstavljen u formi boginje Justicije sa povezanim očima i vagom u ruci. Ona simbolizira savršeni zakon. Sa povezanim očima, ona ne gleda ko je šta prouzrokovao, već neprikosnoveno služi da se vaga izravna. Svjesni ili nesvjesni toga da smo u potpunosti podređeni tom zakonu, mi pokušavamo otkriti smisao života, plan i cilj. Ako u svemu tome prepoznamo neku više instancu, duh koji sve prožima i održava, onda je ta spoznaja sigurno promakla mozgovima naučnika i filozofa nedavne prošlosti. Oni su otkrili materiju i njene zakonitosti i potpali materijalizmu. Istraživali su, prema primjeru Descartesa i Bacona, zakonitosti tzv. "mrtve materije", lišene duha i primjenjivali ih kao tehniku kontrole nad svijetom. Naši univerziteti i visoke škole i danas služe kao svetišta ateističkog materijalizma.

Ali, vrijeme se mijenja. Teorija relativiteta i quantna mehanika su pobili čisto mehanicistički nazor svijeta. H.P. Blavatsky je otvorila prozor istočnjačkoj filozofiji i stvorila prostor u razmišljanju za druge pojmove. C.G. Jung je naučno postavio teoriju sinhronizacije, Rudolf Steiner i Max Heindel su postavili razumijevanje o čovjeku na relacijama psiha - soma, a ne samo anatomskim relacijama. Razvilo se razumijevanje za nove mogućnosti, zakonitosti reinkarnacije i karme. Otvorila se mogućnost za razvoj jedne nove kulture - KULTURE KREATIVE.

<http://maxminus.weebly.com>



DIOGEN
pro kultura magazin pro culture magazine

<http://diogen.weebly.com>

PR

DIOGEN pro kultura
<http://diogen.weebly.com>

MaxMinus magazin
<http://maxminus.weebly.com>

NE KOPIRATI